

磬折古義

磬折古義

程瑤田著 通藝錄五之

磬折說并圖 造倨句矩式 四六尺考

羣經皆有古義。自似是而非之說興。而古義隱矣。然而未隱也。苟無真。安有似。似者非而真者是。是非弗可改也。吾日見其真。而懼似者之亂吾目。其誰信之。磬氏爲磬。倨句一矩有半。真矣。人固謂其語渾渾爾。申之以半矩。而遞加之以至於一矩有半。又加真矣。人猶疑其語未見端緒也。至車人爲耒。其長六尺有六寸。度又真矣。乃三折之。可倨也。亦可句也。倨句有定形哉。從而弦之。限以六尺。而倨句之形定矣。磬折

之倨句亦因之而定矣。真者得似者烏得而消之。嗚呼。抱殘拾瀋。所貴多聞闕疑。而羣經之完善者。既無脫簡。非有爛文。雖復大音聲希。豈類艱言文淺。綴學之士。慧辯填胸。主其先入。以莠亂苗。過矣。斯文未墜。古義難湮。卒亦安能忍而與之終古哉。歎程瑤田附汪孝嬰通藝錄考定磬氏倨句。令鼓旁線中縣而縣居線右解。

磬折說


磬折之義。不明於天下也久矣。磬折之不明。由倨句之義之不明也。欲明倨句。先辨矩字。矩有直者。有曲者。倨句之云。折其直矩而爲曲矩。故直矩無角。周髀所謂矩出於九九八十一。今衣工所用之布帛尺。是其遺製也。折之爲曲矩。則一縱一橫。而爲正方之角。周髀所謂折矩以爲句。廣三股修四。又所謂合矩以爲方。又所謂兩矩共長二十有五。是謂積矩。今木工石工所用之曲尺。是其遺製也。故凡正方形之形。謂之一矩。是矩也。當其未折時。一直物而無角。其數九。其體畧占曲矩之倍。及其

折之爲曲矩。則橫五縱四。其體畧存直矩之半。兩矩合之。縱橫皆五。荀卿書所謂五寸之矩。盡天下之方者。指曲矩而言之也。故當其未折而爲直矩也。伸之無可伸。何倨之有。屈之不必屈。何句之有。及其折爲曲矩。而謂之一矩。由一矩之折而漸伸之。出乎一矩之外。名之曰倨。其倨之角。悉數之不能終其物也。由一矩之折而復屈之。入乎一矩之內。名之曰句。其句之角。亦悉數之不能終其物也。而此或倨或句。不能悉數者。呼之爲角。不辭也。今以其可倨可句也。於是合倨句二字以名之。凡見無定形之角。則呼之爲倨句。此考工記呼凡角爲倨

句之所昉也。故車人之事。爲倨句發凡起例。而折直矩爲正方之一矩。以爲一切倨句之權衡。





此直矩所謂矩用
於九九八十一也



此曲矩之向右折者

此曲矩之向左折者

必擬兩曲矩者容度一
矩有半之倨句也且周
髀有合矩爲方之法又
有積矩之法並有須於
兩曲矩也



此所謂合矩爲方也合
兩曲矩縱橫皆五所謂
其長二十有五是有積
矩也

乃袞判一矩之角而二之。曰半矩。半矩之倨句謂之宣。宣之爲物未聞其審也。

按宣之言發也。當是起土勾鉏之最勾者。蓋句庇利發之義。由是言之。車人之事。所以爲倨句發。凡起例者。一矩實一曲矩之角。半矩實判曲矩之半之銳角。一矩有半實一曲矩加曲矩之半之鈍角也。車人爲耒。曰倨句磬折。韡人爲皋鼓。曰倨句磬折。匠人行奠水。曰磬折以參伍。此三磬折。不見倨句之度者。同乎磬氏之倨句。一矩有半爲磬折也。所以車人之事爲倨句起例於半矩。數至一矩有半。謂之磬折下。卽接

車人爲耒一條。弦其折體之六尺六寸。以定其弦之中步爲六尺。以爲凡命曰磬折者之定衡。二經相連。義取互足。其示人亦極明白而無隱語矣。而鄭君之注。乃謂矩爲法。以法人長八尺。三分人長之八尺。以其一之二尺六寸有奇爲一矩。半之爲半矩。如此則三尺之柯。斷不可以言矩。四尺五寸之一柯半。斷不可以言一矩有半。或未始不可言磬折。則亦未始不可以言句股。求弦旣而觸弦之算法。以求其倨句。夫然則一柯有半之倨句。與一矩有半之倨句。將毋同。用之以爲耒。

體之折。或者巧合以與步中乎。然而斷斷乎其不能與步相中也。而後乃今知不用曲矩。必不能得磬折之真度也。据鄭注一矩者。長二尺六寸三分寸之二。半矩者。長一尺三寸三分寸之一。并之爲一矩。有半長四尺也。準此四尺以爲磬折。必有所以用此四尺者也。何以注磬氏之磬折。絕不言一矩有半爲四尺。而別用句股求弦法。又必假磬鼓無定之一矩有半以觸其弦耶。且据鄭君注意。一矩有半者。磬氏爲磬之磬折也。以矩言之也。一柯有半者。磬折立之磬折。以柯言之也。柯之數三尺。矩之數二尺六寸有奇。一


爲四尺之磬折。一爲四尺五寸之磬折。固有不能通
一無二者。然則未體之磬折。將遵何法耶。用其一矩
有半之磬折法。以弦其六尺六寸之折形。則既不與
步中矣。豈將用其一柯有半之磬折法。以弦其六尺
六寸之折形。而望其能與步中乎。故能與步中者。眞
磬折也。不能與步中者。磬折之不眞者也。總之鄭君
於車人一記圖。圖看去。未能分別其起例有二。道起
例於半矩者。爲凡造物發斂不同形。是爲倨句之例。
起例於半柯者。爲凡造物修短無定數。是爲尺寸之
例。是故倨句之例。不可以尺寸言。故以半矩一矩加

半而數之。尺寸之例。則必紀之以數。故曰柯長三尺。以爲半柯。一柯二柯三柯之定限。嗚呼。差之豪釐。繆以千里。更何論鑿枘方員之不相入耶。嘗試論之。古入文章。密緻節次分明。而脉絡連屬。如車人全經。須爲劃開作三段看。第一段爲倨句舉例。有其形而無尺寸之度。學者未明一矩半矩之分。未能領取其指。故第二段承上謂之磬折之云。指出未體倨句磬折三折形。又識其三折之尺寸。然終無與於磬折之倨句也。何也。三折之尺寸同而已倨之。卽非磬折已句之。亦非磬折也。故不使之已倨已句。惟有弦之一

法弦之尺寸定而後磬折之真倨句定矣。磬折之倨句定則凡或倨或句之一切矩法由此推之一隅三反不外是矣。此倨句之定例也。然倨句究無尺寸可紀也。車人造車豈倨句之謂哉。其所謂一器工聚者在在皆据尺寸爲之。舍尺寸無所措手。故車人又必起度於柯長三尺如玉人之事。起度於璧羨之度尺。此第三段詳言造車之尺寸。蓋自爲一例。與倨句之例分兩事也。凡制事以度法爲先。故人聲爲律。人身爲度。伸手度廣爲尋八尺。側身度深爲仞七尺。閤持則五尺。扼圍則九寸。周制寸尺咫尋常仞諸度量皆

以人之體爲法。不但已也。制玉起度於璧羨尺。造璧起度於斧柯三尺。耕耨起度於耒體六尺。昌氏春秋曰。耨柄尺。是其度也。以是知制事必以度法爲先。故車人旣爲倨句舉象形之例。又必爲尺寸舉紀數之例也。

此半矩曰宣之倨句形



一矩

又判其宣爲半宣。以加於半矩之宣。其倨句謂之櫪。櫪之爲物。鉏屬也。鄭注曰。櫪斲斤。引爾雅句。櫪謂之定。爾雅字作斲。斲。李巡曰。定。鉏別名。說文。櫪斲也。齊謂之鉏。鉏。

按說文有櫪字。又有斲字。並訓斲。斲訓擊。戈戟皆曰擊兵。其用也。主於句入。是兵器之有倨句者。今爲倨句舉例。而及於櫪。故其用亦爲擊。而字有櫪斲二文。吾於櫪从木。當爲鉏。斲从斤。則斤屬。一以起土。曰器之句。而斲之者也。故曰鉏鉏。一以攻木。今木工舍斲之後。木已粗平。然後用闊斤。向懷句斲之。俗呼其子。

音與紼同。

北萌切

二者同名異實。然皆擊而用之。故同訓。

斫也。此从木。爾雅从斤。鄭注此記曰斫斤。而以从木。

者。易爾雅之从斤。是以槨斫爲一字。專屬之於斤矣。

然說文二字並訓曰斫。而於槨字。以槨斫器。槨厚田。

器。槨斫也。斫謂之槨。諸文牽連並錄。故其解槨字。又。

曰齊謂之鎡。鎡是以爲田器矣。然又出一說云。一曰。

斤柄性自曲者。則又以鉏屬之字。兼斫斤之字解之。


而斤部所載。則斧斫也。斫斫也。斫斫也。斫斫也。四文。

同訓。据此則專以爲斫斤。而不及田器。余則斷以爲。

从木者。爲治田之句槨。从斤者。爲攻木之斫斫。蓋曰。

櫪曰斲。皆言其器之爲曲體。曰句曰斲。皆寫其曲體之形。其用之也。則無論治田攻木。竝向懷而斲擊之。其倨句之度。則皆一宣有半。其義殆將毋同耶。況倨句舉例。以車人之事建首。則攻木之器。盡宜屬之車人。而耒體之倨句。又農器之大者。特令車人爲之。是凡耕耨之器。亦歸之車人宜矣。然則倨句之度。或見於匠器。或見於田器。期於中度止矣。奚必生分別焉。唯宣之倨句。余昔讀縣之詩曰。廼宣廼畝。鄭氏注曰。時耕曰宣。宣發也。其義宜在於耒。然耒體之倨句。磬折非半矩也。卽曰句庇利發。不嫌其已句耶。思之思


之母亦鬼神通之耶



此一宣有半曰櫛之倨句形

余別句櫛斲爲二事。而又以其倨句矩法將母同。亦既明辨哲矣。然二名異實。不可不具其形。考之元人王禎農書載三器。一曰鋪。耨別名也。良耜詩曰。其鋪斯趙。以薅荼蓼。釋名曰。鋪。迫也。迫地去草也。爾雅疏云。鋪。耨一器。或云鉏。或云鉏屬。粵無鋪。夫人而能

爲耨也。言農所通。故人多匠之。不必國工。今舉世皆然。非獨粵也。余於宣之義。未聞其審。今觀釋名之言耨也。曰迫地去草。而宣之句也。僅半矩。用以去草。夫亦迫地之至矣。豈宣卽耨乎。因附疏之以俟考。



此農書所圖之耨也

二曰耨。除草器。呂氏春秋曰。耨柄尺。此其度也。其耨六寸。所以間稼也。高誘注。耨芸苗也。六寸所以入苗間。廣雅又云。定謂之耨。爾雅曰。斫斨謂之定。郭曰。鉏


屬淮南子曰。摩蜃而耨。按耨蓋古用蜃爲之。纂文曰。養苗之道。鉏

不如耨。古農法云。苗生葉以上。稍耨壟草。因填其土。

以附苗根。此耨之功也。余於耨之言迫。疑爲半矩

之宣。此定謂之耨。與所斲謂之定。釋義相通。耨爲一


宣有半之耨。更覺古訓鉤貫。



此農書所圖之耨也


三曰耨鉏。古云斲斲。一名定。耨爲鉏柄也。釋名。鋤助也。去穢助苗也。說文。鉏立耨所用也。齊民要術曰。其

刃如半月。比禾壠稍狹。上有短鋈以受鉏鉤。鉤如鷲
項。下帶淡袴。皆以鐵爲之。以受木柄。鉤長二尺五寸。
柄亦如之。上三事皆鉏屬。倨句形之已句者。而有
淺深之殊。耨鉏卽耨之曲項者。其用殆隨地之柔剛。
便宜施之與。王懷祖廣雅疏證云。按定者。斫物之稱。
今江淮間謂以斧斫物曰釘。音帶定反。是其義也。余
謂今以木削其末令銳。刺地爲椿。敲其首使深入曰
釘。以銅鐵竹木爲刺固物。用斧鏗敲之令入亦曰釘。
然皆直下釘之。與倨句器之擊物名定者異。



此農書所圖之
耜鋤也

余以句。耨爲鉏屬。斫斷爲斤屬。謂二器同名異實。既
考農書。得田器之端緒。復從木工取所謂某子者觀
之。校其倨句。適中一宜有半。因問木工曰。倨句有定
限乎。曰。無二形也。開而向外。則斫木易入而難出。斂
而向內。則斫木滑過不能入。此卽冶氏爲戈已倨則
不入。已句則不決之病所不免者也。圖之以廣異聞。



此今木工所用之某子。俗又呼偏鑿。余疑卽斤屬之斨。斨也。○刃闊約裁尺四寸。靠人身一面有鐮裏出。斨木一面平。


余畜古銅斨斤。又於他處見數事。大小廣狹不一。然皆橫刃。其頂爲鑿以納木柄。用斧腦擊其柄首。直下用之。曾圖而爲之說。此斤刃闊數倍。於其闊刃上之中間爲小鑿。如直斤鑿狀。以納數寸直柄。又於直柄中爲鑿。橫安長柄爲倨句形。執其長柄句而斨之。蓋斨斤之垂首者。豈余所謂斤屬之斨。斨與。

又判其槨爲半槨。槨者四分一矩之三。半槨者四分一矩之一分有半。以半槨加於一槨。則出乎一矩又餘八分一矩之一矣。謂之柯者。記人命此倨句之名也。

按車人爲車。柯長三尺五分其長。以其一爲之首。注云。首六寸。今剛關頭斧。柯其柄。余以爲柯之爲言阿曲也。合其長與其首爲倨句形。故阿曲然而名之曰柯也。余嘗畜古銅斧。安柄校之。恰合一槨有半。鈍角之倨句。曾圖而記之。今車人云。柯長三尺。注以柯爲斧柄之長。夫曰三尺。洵其長爲言斧柄之長矣。然安知非因其倨句之名柯。遂假其名以名之。詞與且槨。

之爲倨句名無疑矣。而說文一曰斤柄性自曲者。櫪以名其斤柄。柯以名其斧柄。耨以名其鉏柄。皆是物也。久假不歸。名爲借義所奪。往往而然。然車人有記倨句之矩法不可易。故柯之古義終古不失也。宣言鉏之用。義主於宣發。櫪言其體之曲。用主於句擊。柯言其不挺直。三事互相足。合而觀之。大畧可見矣。又按柯櫪二名。同爲倨句之義。然其事大有分別。柯之爲言阿曲然。其於一矩之倨句。稍倨之而不句。櫪之爲言句櫪然。其於一矩之倨句。稍句之而不倨。故一以柯名其倨句。謂其爲不巳句之形也。一以櫪名其


倨句。謂其爲不巳倨之形也。誠哉柯獨指其倨句而言。而記卽以名其斧柄。樨亦獨指其倨句而言。而說文一說以斤柄性自曲者解之。是亦卽可以名其斤柄。古人相因命名之義。吾見多矣。讀古者倘亦旦暮遇之乎。



此一樨有半曰柯之倨句形

夫半矩生於一矩。由半矩加半矩之半。而遞加之以至於柯。則出乎一矩矣。一矩可判爲半矩。卽一矩可加以半矩。其法。用兩曲矩相背合併之。一居右。一居左。乃判去其左矩之半。而畱其半以加於右一矩。而爲一矩有半之倨句。謂之倨句磬折也。夫一矩有半之倨句。何以謂之倨句磬折也。蓋磬氏爲磬者。爲磬折也。爲磬折而有倨句。其倨句一矩有半。故謂凡一矩有半之倨句。通謂之倨句磬折也。夫兩矩合併而得一矩有半之倨句矣。所餘者半矩耳。以半矩加於一矩有半。則向之見爲倨句者。今爲一直矩。故倨句之凡例。至一矩有半而止。

矣。假使不明倨句之義。爲曲矩可倨可句之形。而以爲直矩長短之度。則觸處窒礙而不可通矣。




此一矩有半曰磬折之倨句形

車人据曲矩以發明倨句之形。起於半矩而終於一矩有半。其爲限凡四。宣也。楊也。柯也。磬折也。始吾於宣之名未聞其審。及讀縣之詩曰。迺宣迺畝。公劉之詩曰。既順迺宣。考鄭注曰。時耕曰宣。宣之言發也。韋昭注國語。土乃脈發。引農書曰。春土冒拂。耕者急發。卽鄭注時耕曰宣之意。耕用耒耜。車人所謂句。庇利發。庇蓋耒末之木。納於耜耜者。庇之用與耜同。曰利發者。與半矩曰宣義實相足。宣謂起土句。鉏尤爲的解。然曰句庇。亦謂其句於一矩有半耳。豈必半矩乃謂之句庇耶。旣又思之。起土之鉏。及耕犁之耒耜。雖或倨或句之不同。而皆同。

於宣發。倨句始於半矩之宣。由是倨之爲櫪。又倨之爲柯。又倨之爲磬折。以宣建首。可見宣之義足以包之。故半矩曰宣。句而宣之也。一宣有半曰櫪。雖小倨之。猶句而宣之也。一櫪有半曰柯。倨之矣。形與有卷者阿畧同。不大曲而小曲。然不得謂其非句而宣之也。及至一矩有半之磬折。則已大倨。然豈不折之謂哉。名曰磬折。謂如磬折之倨句。仍然句而宣之而已矣。然則宣也。櫪也。柯也。磬折也。不外於折也。不外於阿也。不外於句也。其所以必折必阿必句也。欲其利於宣發。故於田器厯數之以爲倨句之形舉其例。

余之說倨句。豈敢以一人之謬。拒千人之諾。然卒不能可否因人。以破碎古經之文義。故雖以漢經師如鄭君之函蓋古今。弗敢徇也。雖然。鄭君下筆。固自斐然成章。不可不求其解也。注云。必先度一矩爲句。一矩爲股。而求其弦。旣而以一矩有半觸其弦。則磬之倨句也。謂度相等之兩矩。以求其弦。則爲正方之倨句。是倨句之中矩者矣。而磬折之倨句。猶未得。於是復以一矩有半觸其弦。謂磬之制有大小。股爲二。卽假一矩言之可也。鼓爲三。比之股爲一矩有半矣。加以半矩之長。則侵出乎初求之弦者遠。故必推闢一

矩有半者。令爲已倨之倨句。至與初弦相望而齊平。則可以觸其弦而爲磬折之倨句也。圖之。注意自見。似不復有別解矣。



據鄭注擬其磬折倨句形其法以直矩爲之於所度之右一矩加半矩爲一矩有半。據觸弦字不令所求之弦易位則跨出乎弦之外乃引弦令長而張其一矩有半者以觸之。然以此倨句與車人爲素所定之倨句磬折不相應故知其法之非經義也。

昔吾友戴東原之解鄭注。說小異。其言曰。設鼓內九寸為句。取方九寸為股。求得弦尺二寸七分有奇。一矩有半為尺三寸半。大於所求之弦。張句股就之。按此所謂一矩有半者。以弦之長言之。夫弦之長。安得謂之一矩有半。未諦也。圖而觀之。



戴氏原圖如此。是以左矩為鼓內。以右矩為股內。欲就磬股股字。以當注中句股之股。故以磬鼓為句配之。鼓如矩長。股必短於矩矣。豈以注所設之法。但求倨句之形。若鼓股之數。經有明文。可置不問。與然。真車人為未所定之倨句。磬折。不相應矣。





按注觸弦字。則弦不當易位。但引弦令長少許。乃張句股就之。為更密之圖。不異也。

或又爲新說以解鄭注曰。如一尺爲句。一尺爲股。是爲兩矩。以求其弦。得一尺四寸有奇。復以一尺爲股。五寸爲句。是謂一矩有半。乃張句股之兩端。以觸一尺四寸有奇之弦。則句股不中矩而成磬折矣。夫先不論磬體之長短而爲相等之矩。以求其弦。既而又舍磬體之長短。而自爲其長短者。以觸其弦。鄭君觸弦法。恐不如此。按注兩一矩字。從經文一矩有半句生出。意謂有一矩乃有一矩半。今吾度兩個一矩排爲句股形。左一矩爲句。句應磬股之二。二爲一矩。則鼓三應經文之一矩有半矣。向者兩矩求弦法非磬

之倨句。今据一矩有半之鼓。張而觸弦。則成鈍角而為磬之倨句也。或說不敢知。圖之以俟閱者之論定。

余初据或說為擬圖之如此




擬圖必令初求之弦易位與注觸字不合為更圖之弦不易位亦不加長但截一尺之句為五寸股仍一尺令句股兩端不齊平者壓而張之以觸其不易位之弦其度與前擬圖不異也然据磬體則句五寸股當七寸半今乃一尺是磬鼓較長二寸半矣其意蓋以觸弦法唯定倨句之形要不知其與車人為未所定之倨句磬折弦其未體得六尺者長出二寸矣

瑤田按磬氏為磬。但言其倨句之形。不論磬股磬鼓。

之長短。故据曲矩以一矩有半四字盡之。然又恐人之不得其解也。因詳列車人之事。以明倨句變形之生於一矩。而爲一矩有半之磬折。舉其例。記文之妙。可謂明辨哲矣。鄭君未審記文所据者爲曲矩。而於一矩有半之語。深求之。以謂磬股二。磬鼓三。以二爲一矩。則三爲一矩有半。從此求其說。不但得倨句之形。竝且股鼓長短之數。亦無遺義。而所謂弦者。亦實爲其所定磬折之弦。余所以謂其說之斐然成章也。若設股一尺。句五寸。續鳧斷鶴之計。句也。股也。弦也。其形其數皆不應。而漫謂鄭說如是。不亦誣乎。

今以考工記言倨句者排列於左以疏通證明之。
磬氏爲磬倨句一矩有半。



此磬折爲曲矩
之一矩有半形
無事度直矩爲
句股求弦觸弦
之煩碎

望見磬形。卽倨句先見。故發端卽呼之曰倨句。望見
倨句。卽倨句之矩法竝見。故隨呼之曰一矩有半。卽
目直尋。不須辭費。欲增一字而不能矣。是故見戈。便
見倨句外博。見戟。便見倨句中矩。見皋鼓。便見其中

圖之倨句磬折。見耒。便見其上句中直末安耒頭金處。緣外至首弦其內之六尺六寸與步相中之爲倨句磬折矣。本非句股。何用求弦。卽具角形。不是三邊互測。注者開口說度句股。便與磬折去而萬里矣。治氏爲戈。廣二寸。內倍之。胡三之。援四之。已倨則不入。已句則不決。是故倨句外博。

此圖係倨句磬折之圖

此圖係倨句磬折之圖

此圖係倨句磬折之圖

戈不宜於中矩也

按此倨句。用已倨已句。夾出外博倨句之義。正方曰。矩倨於矩曰外。句於矩曰內。戈之倨句。可微倨而不可句。故曰外博。然亦不可太倨。則更不可太句。惟外博焉。而不入不決之病悉除矣。

治氏爲戟。廣寸有半寸。內三之。胡四之。援五之。倨句中矩。

此戟之倨句中矩形


按此倨句之正方者。不倨於曲矩。亦不句於曲矩。
車人爲耒。庇長尺有一寸。中直者三尺有三寸。上句者
二尺有二寸。自其庇緣其外。以至於首。以弦其內。六尺
有六寸。與步相中也。堅地欲直庇。柔地欲句庇。直庇則
利推。句庇則利發。倨句磬折。謂之中地。

按据後鄭注。庇讀爲棘刺之刺。耒下前曲接耜。然
則耜爲耒頭金。上有釜以貫耒末。庇卽耒末之木。以
納於耜釜者。故下注云。耕者以田器爲度。宜耜異材。
不從先鄭庇謂耒下岐。耒下岐者。後鄭耜廣五寸注。
所謂今之耜岐頭兩金也。今指庇爲木材。故宜與耜


金材異也。先鄭以庇爲耜之或文。然觀匠人耜廣二
耜兩耜字。皆不从庇。於車人不當異文。宜後鄭以庇
爲耒木之末也。又後鄭注云。緣外六尺有六寸。內弦
六尺。應一步之尺數。瑤田謂注內外二字誤解。其內
六尺有六寸七字。連讀爲一句。自其庇緣其外以至
於首以弦十二字。連讀爲一句。內謂本體之實數。耒
木三折之六尺有六寸也。外謂空中之虛數。所弦中
步之六尺也。此特表弦之之法以示人。謂欲据其內
之六尺有六寸而弦之。其法當如何。只須自其庇緣
其外以至於首。如是以弦之。則得其弦之數爲六尺。

以與步相中也。蓋弦者其外。而所弦者其內。故十九字。又須作一句串讀之。曰自其庇緣其外。以至於首以弦其內之六尺。有六寸。乃得其外之弦六尺。以與步相中。於是未之倨句矩分。與磬折之倨句矩分。通一無二。故曰車人爲未倨句磬折也。自鄭氏誤解內外字。二千年來。學者視此經。如神出鬼沒。捕風捉影。無下手處。余涵泳白文。固自文從字順。不須辭費。理順冰釋。更覺其外其內兩其字。纍纍乎端如貫珠矣。又按直庇。謂倨於磬折。句庇。謂句於磬折。如治氏爲戈之已倨已句。爲倨於外。博句於外。博也。余嘗製小


尺度耒木之六尺六寸。而以曲矩一矩有半之磬折。排耒木之三折。弦而度之。與步中而適得六尺。復以鄭氏觸弦法。排其六尺六寸。弦而度之。僅得五尺三寸半。又以戴氏東原解鄭氏觸弦法。排而度之。則僅五尺耳。今又有或說擬鄭氏觸弦法。則又出乎六尺而爲六尺有二寸矣。何据諸君排之。皆不中步。而唯吾所排者爲中步也。然則倨句之法。出於曲矩而不出於直矩明矣。




此瑤田以曲矩所
定之倨句磬折弦
未體之六尺六寸
適與步中得六尺
也



此据鄭注以直矩
所定之倨句磬折
弦未體之六尺六
寸僅得五尺三寸
半



此戴氏說鄭注
以直矩所定之
倨句磬折弦未
體之六尺六寸
不與步中僅得
五尺耳



此或為新說解鄭
注以直矩所定之
倨句磬折弦未體
之六尺六寸不與
步中乃得六尺二
寸也

鞀人爲皋陶長六尺有六寸左右端廣六寸中尺厚一
寸。注五此鼓合二十版穹者三之一上三正鼓長八尺鼓四尺中圍
加三之一謂之鼓鼓爲皋鼓長尋有四尺鼓四尺倨句
磬折。

按鼓之體其紀度處有三鼓長也鼓之面圍徑也鼓
版中圍之徑也凡鼓皆合二十版鼓面皆四尺所異
者長短之度與中圍圍徑之度耳於皋陶言左右端
廣六寸二十版得圍十二尺是鼓面四尺也於鼓鼓
言鼓四尺與皋陶左右端互相足也於皋陶言穹者
三之一。注五此鼓合二十版倨句者鼓面三分之一則其鼓四尺者版穹一尺三寸三
分寸之一也倍之爲二尺六寸三分寸之二加鼓四尺穹之徑六

尺六寸三分見中圖度也於鼗鼓言中圖加三之一

注云中圖加於

面之圖以三分之一也中圖十二尺則中於皋鼓言倨句磬折謂

其中圍形中曲矩之一矩有半

注云中圖與鼗鼓同按鄭氏不

圖同於鼗鼓是舉鼓中圖之徑亦五尺三寸三分寸之一大繆不然矣瑞田考
著折中分之爲兩句股舉鼓通長十二尺分爲兩句股每一句股其股占六尺
股六尺者句恒二尺四寸半即是鼓中宮之度倍其宮加於鼓面之四尺爲中
圖之徑八尺有九寸鄭氏乃謂其徑僅五尺三寸三分寸之一鼓太長而中圖
太促不足以養其聲
善惡聲病立見矣三鼓中圍異數故必別言之也於皋陶

言上三正版三折也於皋鼓言磬折謂惟中折而不

三折也鼗鼓居中不見中圍版形版但弧曲不折也

按鼓版以弧曲不折爲正以折爲異故於其折者必


見折形也三鼓並言鼓長明其異也故必詳之鼗鼓

已言面四尺。皋鼓又言面四尺者。以曲矩磬折之。穹加於鼓四尺。雖不言中圍。猶之乎其言之也。鄭君不明磬折爲已定之倨句。又不明凡未定之倨句。不可冒磬折之號。又不知用曲矩以度凡倨句之形。而分別之以命其名。故磬折之倨句。前聖持曲矩度之。爲一矩有半者。原卽以一矩有半專屬之磬折。以爲千古不易之定名。所謂易簡而天下之理得者。今乃棄而弗信。而出其心裁。用句股求弦法。度一直矩當磬之股。又度一直矩當磬之鼓。以求其弦。而不應其所臆解之一矩有半者。其術於是乎窮。窮而復設其一


矩有半者。以遷就其初求之句股弦。使夫斂者張而
侈之。短者引而伸之。以成其倨句。自以爲磬折之倨
句得之矣。而不知前世聖人。又以倨句磬折四字定
皋鼓之中圍。然則前世聖人。是以皋鼓之穹者。同於
磬折一矩有半矣。而鄭君念不及此。遂望文而注之。
謂皋鼓之中圍與鼗鼓同。以十二尺長之圍。同於八
尺長之圍。其磬折之廣。幾乎倨而直之。同一磬折之
名也。磬氏爲磬之磬折。何其太句。皋鼓之磬折。何其
太倨。此論不公。吾不憑圖。其二磬折之異形。以見瑤
田之非吹求也。余嘗謂古人之文。以數字盡一事。而

無漏義。記之言皋陶也。六尺六寸。言其長一事也。左
右端廣六寸。見其面徑一事也。中尺。見其圍徑一事
也。無漏義也。其言鼗鼓也。八尺。言其長一事也。四尺。
言其鼓面一事也。加三之一。言其中圍一事也。無漏
義也。其言皋鼓也。尋有四尺。言其長一事也。四尺。言
其面一事也。倨句磬折。言其中圍一事也。無漏義也。
鄭君之注。乃謂磬折中曲之不參正也。中圍與鼗鼓
同。以磬折爲異。大繆也。其意蓋謂鼗鼓不言中圍形。
是承皋陶亦參正。而皋鼓則同其圍。唯不參正之異。
由不明磬折之形。因於兩經文義。盡令舛誤。鼗鼓不

言上三正明不參正而偏謂其參正。皋鼓言磬折明其圍不同於鼗鼓而偏謂同其圍。文從字順之經。輒憑胸臆爲之解說。古人省文互見之筆。立地出現。一涉言思擬議。是繩本無結而糾纏之。乃緣以結不解矣。讀者無慧不能遵道得路。未有不爲迷陽卻曲。傷其行而傷其足者。不亦偵乎。



鄭君度矩觸弦
以定磬氏爲磬
之倨句如此



鄭君舉鼓中圓
倨句磬折同於
鼗鼓中圓如此

匠人凡行奠水磬折以參伍欲爲淵則句於矩

按奠水止而不行今欲溝而行之爲直溝無益也若

爲巳句之溝欲其行而反鬱之亦無益惟用曲矩度

其倨句使中乎磬折又非一磬折而已也參之伍之

令多爲磬折之形以奠水之流行無滯而後已

注引司農云溝

形當如磬直行三折行五非也

然此可以行奠水而不可以爲深淵欲爲

淵而但爲磬折之倨句不能也即句之而爲中矩之

倨句亦猶不能搏激其水勢而使之過顙在山其淵

終不能成惟準曲矩之正方而句之或如倨句之屬

形且又句之如倨句之宣形相其來水之緩急與其

地脈之所宜而權衡之自能成莫測之深淵矣

注但言流轉之

則其下成淵余以為徒能流轉而不激而匯之使回旋激揚欲其成淵也難矣

請圖磬折參伍之形又圖

曲矩與句於矩之形以明用曲矩為倨句之義

參 伍

記言行集水之曲折當如磬折之倨句以形體言三五者言不一其磬折無定數也可農乃謂直行三折行五紀其直體之數而昧於曲體之形且以三當股二宜以四五當鼓三今但約之以三五何不直云磬折以二三之為道其實也

記曰：此句亦從經中出。

如此則從何出矣。


論曰：磬折之說目擊而存。百名以上書諸方足矣。然而羣言之消。安得不哀。諸聖燭火不熄。詎能掩夜光之明乎。採之遺經雅記。因而比事屬辭。拒彼游談。不韙孤證。言之不足。且長言之。人稱好辯。豈其然哉。

造倨句矩式

余說磬折之倨句。出於曲矩。然曲矩僅一方正之倨句。考工記所謂一矩者也。而車人之事。則据其所謂一矩者。判而分之。始於半矩之宣。又遞加之。而終於一矩有半之磬折。所以終於一矩有半者。以再加半矩。卽合兩矩而不復有倨句之形耳。是殆欲盡倨句之變形。而因爲之發凡起例也。余於是取考工記之言倨句者。一一論之。著於篇。以終磬折之說。使夫渠邨交通。子母鉤帶。亦旣經文無贖義。讀者無疑義矣。是故倨句不一形。其或倨於曲矩。或句於曲矩。車人旣詳其事。而一事必有

其矩有矩必製其器。工欲善其事。必先有其器。請据車人之成說而爲之。夫器又多乎哉。器一而已。而車人所指倨句之矩法。皆於此一器而取裁焉。嗚呼。得魚忘筌。得兔忘蹄。當其未得。則彼規矩者。固巧者之先資耳。不然。倨句二字。且不曉所謂。更何論倨句之器。余之爲是器也。所以貌考工之所傳者。期於惟肖耳。夫豈余之自師其心也與哉。


倨句矩



四六尺考

余既造倨句矩式。諦觀之。憶少日曾見木工有此器。而不得其審。今不聞木工有是物。汪孝嬰曰。巧匠今呼細作者有四六尺。或卽是。乃召匠索觀。雖粗工皆有之。以不常使。藏其行籃中。與斧斤繩尺相襍廁。人不常見之也。取而圖之。其一端與余所造者同。其一端則左爲十六分一矩之十一。右爲十六分一矩之五。雖亦倨句中所有之形。而爲車人之所不及列。然而高曾之規矩。猶存於百工之事中者。足可寶貴也。窮經者。蓋可忽乎哉。

木工四六尺




余察木工之四六尺中爲脊一條。兩端鑲其所謂尺者。一端與余之新製同。其一端則異於余之新製。於車人之事無取焉。余意此器其初必本之車人。吾所謂高曾之規矩存於百工之事中者。當不誣也。及後世僉工無慧。以爲此不過用以造物之有角者耳。角形變化無定。豈盡於是耶。故其一端之一矩半矩者。正用之角形。是爲角形之根本。自當因之。其餘則以一矩剖爲兩角形。或贏或縮。從心所欲。用以創物。不可勝用矣。然而偏規矩而改錯。由不知其器之出於車人也。幸而其一端之未改者。固與車人豪釐不爽也。余因此一端而得其彼。

一端必左爲一宣有半之櫪。右爲半櫪。又其兩端皆有并義。一端左一矩。右半矩者。并之卽一矩有半。謂之磬折也。一端左一櫪。右半櫪者。并之卽一櫪有半。謂之柯也。旣爲之正其譌矣。乃復取余之新製兩相校焉。覺新製尙有所遷就。而此之所定。則固一成規一成矩。無少欠缺焉耳矣。至四六二字。爲紬繹之義。與倨句同。五者中數也。卽曲矩之正方形。所謂五寸之矩。盡天下之方也。倨乎五則爲六。句乎五則爲四。曰四六尺者。豈非倨句矩之義乎。

考定四六尺


兩倨句并之爲一矩有半謂之整折




兩倨句并之爲一矩有半謂之柯

通藝錄考定磬氏倨句令鼓旁線中縣而縣居線右解
 易疇氏謂于鼓上與鼓右之際設縣近線不傷線不使
 鼓有聲病論久定矣一日以居鼓稍右設縣而鼓旁線
 所以中縣之故相質試爲圖解之

汪 萊 孝嬰





瑞田校圖之
左重心五點
五點其三
凡六點無所
查檢便省視
辛凡五點今亦止存
密促逃之又
○右一分二
間右重心眞

設筭凡五次。衡樞從左排右五點曰。卯氏斗甲
 曰午角尾虛酉。右重心五點曰未。亢筭危庚共十
 兩設。衡樞曰甲卯左重心。門角右重心曰庚亢。
 用且密促難下筭。今止存初四五三設。共九點藉
 也。衡樞。上壬點。右行斜排曰壬辰房牛乙凡五
 三點曰壬房牛。下丙點。右行斜排曰丙亥心女
 亦止存丙心女。其乙辰辛亥四點。亦以無所用且
 按圖令殷博三寸起數。縣孔真度。卽衡樞真度。在
 釐有奇。當氏斗二點。左重心真度。當尾虛二點。
 度當筭危二點間。

如圖壬丁爲鼓右邊線欲使此線中縣設當壬丙子癸
二線交午之中如○處縣之則子癸爲衡○爲衡樞令
股博三寸起數戊己壬丙面一十四寸零一四五有奇
爲衡右重率壬丁癸丑面二十寸爲衡左重率右以○癸
二寸方求
斜得壬癸二寸八分二八四有奇與己癸六寸相減得己壬三寸一分七一五有
奇戊子與戊己同子丙與己壬同斜田求積法得數左癸丑與○丁同壬○與○
癸同斜田求
積法得數 ○午九分五一六有奇爲衡左重心距樞線

四分左重率之一爲帶縱平方積壬丁線
一十一寸爲長闊和求得闊根倍之得數 ○未一寸六分五一六有

奇爲衡右重心距樞線二分右重率之一戊己方求斜得己子與壬
丙線同四寸二分四二六四有奇除之得數

權重之理右重率爲一率左重率爲二率左重心距樞
線爲三率推得四率卽爲右重心距樞線今求其四率

之數則一寸三分五八有奇。前數差多二分九三有奇。是右重心見遠。必墜而下。以輸重于左。右墜而下。左必遜而斜。以受右之重。子癸之衡不得平。壬丁之線不得直矣。然此四率之差。僅二分有奇。故稍右分許。而子癸卽平。壬丁卽直也。按前法以復推。可得設縣之密數焉。設在○右二分。如甲處縣之。則甲爲衡樞。乙辛戊己面一十三寸一六五九七二有奇。爲衡右重率。乙辛丙丁癸丑面二十寸零八四八五二八有奇。爲衡左重率。以

分乘壬丙線於初設重率減右加左得數

甲酉一寸一分零七九九八有奇。爲左

重心距樞線。

四分左重率之一爲帶縱平方積癸丑線九寸爲長開較求得闊根倍之與甲癸二寸二分相減餘得數

甲庚

一寸五分五一六二有奇。爲右重心距樞線。

得數法同初設

重按

權重之理。右重率爲一率。左重率爲二率。左重心距樞線爲三率。求得四率。一寸七分五五五有奇。以當右重心距樞線。前數差少二分零三四八有奇。是右重心見近。必昂而起。以借重于左。右昂而起。左必迤而承。以補右之重。子癸之衡仍不平。壬丁之線仍不直。而與初設縣勢已相反。是失之過右也。至右二分而已過。是知右于。以取衡平。縣直。其數不當至二分如甲也。

又設在。○右一分如卯處縣之。則卯爲衡樞。戊巳辰亥面一十三寸五九零二三五有奇。爲衡右重率。辰亥丙

丁丑癸面二十寸零四二四二六四有奇爲衡左重率

得數法如次設

卯角一寸零二九零六有奇爲左重心距樞線

得數

法如次設

卯亢一寸六分零二九八有奇爲右重心距樞線

得數法如次設

復依四率求之得一寸五分四六五有奇當右重

心距樞線前數僅多五釐六四七有奇不平不直之勢已殺而與初設仍相類是知右于○以取衡平縣直其數固在一分之卯以外也

又設在○右一分二釐如氏處縣之則氏爲衡樞戊己房心面一十三寸五零五三八三二有奇爲衡右重率房心丙丁丑癸面二十寸零五零九一一六八有奇爲

衡左重率。氐尾一寸零四四八三有奇爲左重心距樞線。氐箕一寸五分九一六有奇爲右重心距樞線。復以四率求之。得一寸五分八六有奇。當右重心距樞線前。數僅多五豪有奇。而猶有多。則右于○。以取衡平。縣直其數猶在一分二釐以外也。

更設在○。右一分三釐如斗處縣之。則斗爲衡樞。戊己牛女面一十三寸四六二九五七有奇爲衡右重率。牛女丙丁丑癸面二十寸零五五一五四三二有奇爲衡左重率。斗虛一寸零五二七三有奇爲衡左重心距樞線。斗危一寸五分八六六有奇爲衡右重心距樞線。依

四率求之。得一寸六分零七有奇。當右重心距樞線前
數已少二釐。零四有奇。定知衡平縣直。取數當在○右
一分二釐有奇也。